

ԱՎԴԱԼՅԱՆ ԱՐԹՈՒՐ

(ՄԻ)

1952թ. ՀՈՒԼԻՍՅԱՆ ՀԵՂԱՓՈԽՈՒԹՅԱՆ ԱՆԴՐԱԴԱՐՁԸ
ԵԳԻՊՏՈՍԻ ՂՊՏԻԱԿԱՆ ՀԱՍՍՅՆՔԻ ՔԱՂԱՔԱԿԱՆ ԵՎ
ՏՆՏԵՍԱԿԱՆ ԻՐԱՎԻՃԱԿԻ ՎՐԱ

Երկրորդ աշխարհամարտից հետո Եգիպտոսի ներքաղաքական իրավիճակն այնքան էլ հանգիստ ու կայուն չէր՝ պայմանավորված քաղաքական կուսակցությունների միջև հարաճուն հակասություններով, իշխանավորների հանդեպ զանգվածների նկատելիորեն աճող դժգոհությամբ, տնտեսության երկարատև ճգնաժամային իրադրությամբ, ինչպես նաև 1948-1949թթ. արաբ-իսրայելական պատերազմում եգիպտական և ընդհանրապես արաբական բանակների կրած պարտությամբ։ Ուստի ընդհատակում գործող «Ազատ սպաներ» կազմակերպության 1952թ. հուլիսի 23-ին իրականացրած հեղափոխությունը որոշակի սպասումներ արթնացրեց Եգիպտոսի ժողովրդի մեջ։ Այդ օրը՝ առավոտյան ժամը 7-ին Կահիրեի ռադիոն հիշյալ կազմակերպության անունից հայտարարեց, որ երկրում հեղափոխություն է տեղի ունեցել¹։ Եգիպտոսում ամբողջ իշխանությունը կենտրոնացվեց «Ազատ սպաներ» կազմակերպության Գործադիր կոմիտեի ձեռքում, որն այդուհետ կոչվեց Հեղափոխության ղեկավարության խորհուրդ (ՀՂԽ)։ Վերջինիս աշխատանքները, փաստորեն, գլխավորում էր հեղափոխության կազմակերպիչ և գաղափարական ղեկավար Գամալ Աբդ Ալ-Նասերը։ Նա նաև նոր վարչակարգի հիմնական շարժիչ ուժն էր²։ Հեղափոխությունից հետո Նասերն աստիճանաբար հիմք դրեց ազգայնացման քաղաքականությանը՝ միաժամանակ որդեգրելով սոցիալիստական գաղափարախոսության որոշ տարրեր³։

Մինչև հեղափոխությունը բնիկ եգիպտացի, արևելաքրիստոնեական միաբնակ եկեղեցիներից մեկի հետևորդները հանդիսացող ղպտիները բավականին պատշաճ դերակատարում ունեին Եգիպտոսի հասարակական-քաղաքական կյանքում և որոշակիորեն ներգրավված էին այդ ժամանակաշրջանում գործող քաղաքական

կուսակցություններում: Նրանք հիմնականում խորհրդարան էին ներթափանցում «Վաֆու» կուսակցության համամասնական ցուցակներով: 1924-1950թթ. ընթացքում տեղի ունեցած տասը խորհրդարանական ընտրություններից վեցի արայունքում ղպտի պատգամավորները կազմել էին խորհրդարանի 7,5-10,2 տոկոսը⁴: Սակայն 1953թ. հունվարի 18-ին ընդունված օրենքով արգելվեցին Եզիպտոսի բոլոր քաղաքական կուսակցությունները՝ բացառությամբ «Մուսուլման եղբայրներ» կազմակերպության⁵: Կուսակցությունների լուծարումից հետո ղպտիները հիմնականում դուրս մնացին կառավարման ընտրովի մարմիններից, քանի որ Եզիպտոսի գրեթե ոչ մի ընտրատարածքում նրանք մեծամասնություն չէին կազմում, հետևաբար մաս իրական հնարավորություն չունեին իրենց թեկնածուներն ունենալու ներկայացուցչական մարմիններում⁶: Զանի որ օրենսդիր մարմնում ղպտիների ներկայությունը զգալիորոն կրճատվել էր, 1964թ. ժամանակավոր սահմանադրության 49-րդ հոդվածով նախատեսվեց խորհրդարանում ձևավորել տասը հոգուց բաղկացած Ումմայի խորհուրդ, որի կազմավորման իրավունքը վերապահվեց երկրի նախագահին: Նրանում ներգրավված տասն անձինք պատգամավորական տեղեր էին զբաղեցնում խորհրդարանում՝ համարվելով օրենսդիր մարմնի լիիրավ անդամներ: Խորհրդը նպատակ ուներ երկրի օրենսդիր մարմնում ապաևտվել ղպտիների ներկայությունը: Եթե 1964թ. նրանում կար յոթ ղպտի, ապա 1970թ. ղպտիների թիվն արդեն հասնում էր իննի⁷: Հակառակ այս քայլերին ղպտիները սկսեցին տարակուսել, որ Նասերի վարչախումբը փորձում էր իրենց դուրս մղել երկրի քաղաքական կյանքից, քանի որ հեղափոխությունից հետո, ի տարբերություն նախահեղափոխական շրջանի, ղպտի պատգամավորների թիվը նվազեց՝ կազմելով խորհրդարանի 3 տոկոսը: Դպտիների կասկածներն ու դժգոհությունները մեղմելու նպատակով Նասերի վարչախումբը նրբանկատորեն փորձեց զիջման գնալ և շարունակեց նախկինի մամ կառավարությունում մեկ նախարարական աթոռ հատկացնել ղպտիներին⁸: Բացի պաշտոնական գործառույթներից՝ ղպտի նախարարն ուսումնասիրում և վերհանում էր ղպտիների հիմախնդիրները և դրանք ներկայացնում կառավարությանը: Նշենք, որ 1952-1962թթ., երբ կառավարությունում նախարարների թիվն աստիճանաբար 13-ից հասավ 36-ի, ղպտիների համամասնական

ներգրավվածությունը մնաց անփոփոխ⁹: Վերոնշյալ քաղաքականությունը միտված էր մասնապահություն երկրի ողջ քրիստոնյա բնակչության աջակցությունն Իսրայելի դեմ պայքարում: Ուստի 1964թ. մարտին կազմավորված կառավարությունում դպտիների դիրքերը որոշակիորեն ամրապնդվեցին. նրանք ստացան մասնավորապես երկու լրացուցիչ պաշտոն և պահպանեցին դրանք մինչև 1967թ. հունիս ամիսը¹⁰:

1953թ. հունվարի 13-ին կազմավորվեց նոր Սահմանադրության մախազիժը՝ մշակող հանձնաժողով, որի մեջ ընդգրկված էին հասարակության տարբեր շերտերի ներկայացուցիչներ: Իշխանությունը փորձեց մասնաշաղկապապես դպտիների մասնակցությունը. 50 հոգուց կազմված հանձնաժողովում 6-ը դպտի էր¹¹:

Մինչև հեղափոխությունը պետական կառավարման համակարգի գրեթե բոլոր ոլորտներում դպտիները մշակակալի դեր ու ազդեցություն ունեին: Այդ շրջանում միջին և կրտսեր օղակների դպտի պաշտոնյաները մեծ թիվ էին կազմում մախարարություններում, նրանց վստահվում էին մասնաշաղկապապես պաշտոններ¹²: Նախարարություններում նրանք զբաղեցնում էին պաշտոնների մոտավորապես 45 տոկոսը: Այդ փաստը պատճառաբանում էին նրանով, որ նրանք կազմում էին գրագետ եզիպտացիների 30 տոկոսը, ինչպես մասնաշաղկապապես էին երկրի տնտեսության 19 տոկոսը¹³: Այդուհանդերձ հեղափոխությունից անմիջապես հետո նոր իշխանությունը զգալիորեն խաբխիւեց դպտիների դիրքերը պետական կառավարման համակարգում: Բարձր և պատասխանատու պաշտոնները գերազանցապես վստահվում էին մուսուլմաններին, և միայն մի քանի պետական գերատեսչություններում դպտիներին հաջողվեց պահպանել իրենց դիրքերը: Հեղափոխությունից հետո Ֆինանսների մախարարությունում նրանք կազմում էին աշխատակազմի 15,9 տոկոսը, Տարածքային կառավարման մախարարությունում՝ 15,4, Գյուղատնտեսության մախարարությունում՝ 7,7, Կրթության մախարարությունում՝ 6,2¹⁴: Չնայած Տարածքային կառավարման մախարարությունում դպտիների որոշակի ներգրավվածությանը՝ Եզիպտոսի 37 քաղաքներից և ոչ մեկում դպտի քաղաքացիներ չէին նշանակվում: Ինչ վերաբերում է Կրթության մախարարությանը, ապա պետք է շեշտել հատկապես այն իրողությունը, որ Եզիպտոսի 12 համալսարանների, 150 ինստիտուտների և գիտական

հաստատությունների դեկավար պաշտոններում դպտիներ չէին նշանակվում: Ֆակուլտետների դեկանները նույնպես մեծամասամբ մուսուլմաններ էին¹⁵: Ղպտի կադրերի ներգրավվածության առումով պատկերը շոշափելիորեն չէր տարբերվում նաև Արտաքին գործերի նախարարությունում, որտեղ Նասերի իշխանության տարիներին դպտի դեսպան չէր նշանակվում, և դպտիները կազմում էին ողջ դիվանագիտական անձնակազմի միայն մոտ 2,5 տոկոսը¹⁶:

Փաստենք նաև որ, 1952թ. հուլիսյան հեղափոխությունից հետո նախագահ Նասերի մշակած «արաբական սոցիալիզմի» կառուցման նոր քաղաքական գաղափարախոսության շրջանակներում դպտիների դերը զգալիորեն նվազեց ոչ միայն Եգիպտոսի քաղաքական, այլև տնտեսական կյանքում: Ազգայնացման քաղաքականության հետևանքով՝ հատկապես հողատիրության չափերի աննախընթաց կրճատման արդյունքում դպտիները հարաբերաբար ավելի տուժեցին, քան մուսուլմանները: Փաստորեն Եգիպտոսում դպտիների դիրքերն էլ ավելի տկարացան:

1952թ. սեպտեմբերի 9-ի հողային բարեփոխումների վերաբերյալ օրենքով հողատիրության առավելագույն չափը սահմանվեց 200 ֆեդդան¹⁷, իսկ ավելցուկները բռնագրավվում էին և վաճառվում սակավահող գյուղացիներին¹⁸: Արդյունքում սեփականագրվեցին նաև հեղինակավոր դպտի շատ ընտանիքներ, որոնց մեծ մասի կալվածքների չափերը գերազանցում էին 1000 ֆեդդանը: Ըստ պաշտոնական տվյալների՝ մինչև հեղափոխությունն այդ ընտանիքները վճարում էին Եգիպտոսի ընդհանուր հույահարկի շուրջ 16 տոկոսը¹⁹: Իսկ արդեն 1961թ. հուլիսի 25-ին ընդունվեց նոր հողային օրենք, որով հողատիրության առավելագույն չափաբաժինն էլ ավելի կրճատվեց և իջեցվեց մինչև 100 ֆեդդանի²⁰: Հողատարածքների ազգայնացումը զգալի նյութական վնաս հասցրեց նաև դպտիական եկեղեցուն: Չնայած հոգևորականներն ընդհանրապես խուսափում էին եկեղեցապատկան հողատարածքների վերաբերյալ ճշգրիտ տվյալներ հրապարակել, սակայն որոշ ուսումնասիրողներ նշում են, որ 1927թ. պաշտոնական տվյալներով դպտիական յոթ վանական համալիրների հողատարածքների չափերը գերազանցում էր 9 հազար ֆեդդանը²¹: Այս չափաքանակը մոտ է 1952թ. դպտիական համայնքային խորհրդի կողմից գեներալ Նազիֆին տրամադրած տվյալներին, որտեղ

պատրիարքական խողերը հաշվվում էին 3.5 հազար, իսկ վանքապատկանները՝ 6 հազար ֆեդդան²²:

1960-1961թթ. ընթացքում տրանսպորտի ոլորտի խառնուրդը ներդրողները նույնպես իրենց պատկանող ընկերությունների ամբողջական ազգայնացման արդյունքում լուրջ կորուստներ ունեցան: Մինչ այդ տրանսպորտի բնագավառում՝ հիմնականում Կահիրեի ներքաղաքային և միջքաղաքային ավտոբուսային ընկերություններում տիրապետող էր դպտիական կապիտալը, որին պատկանող «Օթբուս իխվան», «Ասյուք» և այլ ընկերություններն իրականացնում էին ներքաղաքային և միջքաղաքային փոխադրումների մոտ 75 տոկոսը²³:

Ղալտիների տնտեսական դիրքերի թուլացմանը նպաստեց նաև ուշ բանկային համակարգի ազգայնացումը, քանի որ Եզիպտոսի երեք ամենախոշոր՝ Ազգային, Կահիրեի և «Միսր» բանկերի ներդրումային կապիտալի զգալի մասը պատկանում էր խառնուրդային ընտանիքներին²⁴:

Ընդհանուր առմամբ, ազգայնացման հետևանքներից էր նաև այն, որ դպտիական համայնքը կորցրեց իր տնտեսական հզորությունը, սակայն շնորհիվ կրթության և մասնագիտական պատրաստվածության բարձր մակարդակի՝ որոշ ոլորտներում այն պահպանեց իր ամուր դիրքերը: Նույնիսկ հեղափոխությունից հետո բժիշկների, դեղագործների, առևտրականների, բանկային համակարգի ծառայողների մեծ մասը շարունակում էին մնալ դպտիները: Տարբեր գնահատումներով՝ դեղագործության ասպարեզում դպտի էր մասնագետների 80 տոկոսը, իսկ բժշկության ասպարեզում՝ 30-40 տոկոսը²⁵:

Հեղափոխությունից հետո մոր իշխանության վարած քաղաքականությունը հանգեցրեց մեծ թվով եզիպտաբնակ դպտիների, ինչպես նաև այլ քրիստոնյաների արտագաղթին: 1960թ. պաշտոնական մարդահամարի տվյալներով դպտիների թիվը Եզիպտոսում կազմում էր ամբողջ բնակչության թվի 7,3 տոկոսը²⁶: 1960-ականներից սկսած՝ այդ թիվը սկսեց նվազել: 1966թ. մարդահամարի տվյալներով՝ 1960-1966թթ. Եզիպտոսից արտագաղթել էր 294 հազար մարդ, որից 150 հազարը՝ դպտի²⁷:

Այսպիսով, կարելի է փաստել, որ Նասերի վարած քաղաքականությունը, ի թիվս այլ խնդիրների, հանգեցրեց նաև Եզիպտոսի դպտի բնակչության տնտեսական և քաղաքական մեկուսացմանը: Ղալտիական համայնքը կորցրեց իր երբեմնի դիրքերը քաղաքական և տնտեսական կյանքում:

ARTHUR AVDALYAN
(IOS)
**THE IMPACT OF 1952's JULY REVOLUTION ON THE POLITICAL AND
ECONOMIC SITUATION OF THE EGYPT COPTIC COMMUNITY**

Before the 1952's July revolution the Coptic Community of Egypt had been enough represented in the Government and the Parliament. After the revolution its ideological leader Gamal Abd Al-Naser centralized the rule and economy of the country. The Coptic Community was isolated both politically and economically because of the revolutionaries' mentioned policy. As a result, the Copts lost their role in the political and economic life of Egypt.

ԾԱՆՈԹԱԳՐՈՒԹՅՈՒՆՆԵՐ

1. Արգարյան Ե., Քաղաքական և սոցիալ-տնտեսական վերափոխությունները եգիպտական հեղափոխության առաջին փուլում, Սիրձավոր և Միջին Արևելքի երկրներ և ժողովուրդներ, հ. XIV, Եր., 1987, էջ 177:
2. Հովհաննիսյան Ն., Արաքական երկրների պատմություն, հ. III, Եր., 2006, էջ 256:
3. Մամիրա Բահր, Ալ-սկրատ ֆի հայաթ ալ- սիյասիյա ալ-Միսրիյա, Ալ-Կահիրա, 1984, էջ 149, (արաբերեն):
4. Շաֆիկ Սուլեյման, Ալ-սկրատ քայն ալ-հիրման ալ-քանիսի վա ալ-վատունի, Ալ-Կահիրա, 1996, էջ 201, (արաբերեն):
5. Արգարյան Ե., նշվ. աշխ., էջ 199:
6. Betts Robert Brenton, Christion in the Arab East: A Political Study, Athens, 1995, p. 61.
7. Մամիրա Բահր., նշվ. աշխ., էջ 168:
8. Dekmejian H., Egypt Under Nasir: A Study in Political Dynamics, London, 1971, p.176-177.
9. Շաֆիկ Սուլեյման, նշվ. աշխ., էջ 205:
10. Dekmejian H., նշվ. աշխ., էջ 176:
11. Հովհաննիսյան Ա., Եգիպտոսի ազգային և կրոնական փոքրամասնությունները (1907-1967 թվականներ), ատենախոսություն՝ պաշտպանված ՀՀ ԳԱԱ Արևելագիտության ինստիտուտի գիտական խորհրդում, Եր., 2002, էջ 129:
12. Kyriakos Mikhail, Copts and Moslems under British Control. A Collection of Facts and a Resume of Authoritative Opinions on the Coptic Question, London, 1911, p. 44.
13. Behrens-Abouseif Doris, The Political Situation of the Copts 1789-1923, Christians and Jews in the Ottoman Empire, Vol. 2, New York, 1982, p. 199.
14. Մամիրա Բահր., նշվ աշխ., էջ 164:
15. Նույն տեղում, էջ 160:
16. Karas Shawkey, The Copts Since the Arab Invasion: Strangers in their Own Land. Jersey City, 1985, p. 114.
17. Եգիպտոսում I ֆեդանը հավասար է 0,42հա.:
18. Հովհաննիսյան Ն., նշվ. աշխ., էջ 259:
19. Carter Barbara Lynn, The Copts in Egyptian Politics, London, 1986, p. 210.
20. Հովհաննիսյան Ն., նշվ. աշխ., էջ 281:
21. Carter Barbara Lynn, նշվ. աշխ., էջ 42:
22. Baer Gabriel, A History of Landownership in Modern Egypt 1800-1950, London, 1962, p. 179.
23. Մամիրա Բահր., նշվ աշխ., էջ 162:
24. Նույն տեղում, էջ 163:
25. Chitham E. J., The Coptic Community in Egypt: Spatial and Social Change, Durham, 1986, p. 82.
26. Karas Shawkey, The Copts Since the Arab Invasion: Strangers in their Own Land. Jersey City, 1985, p. 24.
27. Նույն տեղում, էջ 30: